



ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ՀՈԳԱԲԱՐՁՈՒՆԵՐԻ ԽՈՐՀՈՒՐԴ

ՈՐՈՇՈՒՄ N 6

29 ապրիլի 2015 թվականի

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ
ԻԶԵՎԱՆԻ ՄԱՍՆԱԾՅՈՒՂԻ ԿԱՆՈՆԱԴՐՈՒԹՅՈՒՆԸ
ՀԱՍՏԱՏԵԼՈՒ ՄԱՍԻՆ

Ղեկավարվելով «Երևանի պետական համալսարան» հիմնադրամի կանոնադրության 42-րդ կետի 8-րդ ենթակետով և Երևանի պետական համալսարանի հոգաբարձուների խորհրդի աշխատակարգի 2.4. կետի 8-րդ ենթակետով՝ Երևանի պետական համալսարանի հոգաբարձուների խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղի կանոնադրությունը՝ համաձայն հավելվածի:

Հոգաբարձուների խորհրդի նախագահ՝



U. Sargsyan

Ս. Սարգսյան



Հավելված

ԵՊՀ հոգաբարձուների խորհրդի
2015 թ. ապրիլի 29-ի նիստում
ընդունված N 6 որոշման
ԵՊՀ հոգաբարձուների խորհրդի նախագահ

Ս. Ա. Բաղդասյան

Կ Ա Ն Ո Ն Ա Դ Ր ՈՒ Թ Յ ՈՒ Ն
«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ
ԻԶԵՎԱՆԻ ՄԱՍՆԱՃՅՈՒԴԻ

I. ԸՆԴՀԱՆՈՒՐ ԴՐՈՒՅԹՆԵՐ

1. «Երևանի պետական համալսարան» հիմնադրամի Իջևանի մասնաճյուղը (այսուհետ՝ ԵՊՀ ԻՍ) Երևանի պետական համալսարանի առանձնացված ստորաբաժանում է, որի գործունեությունը նպատակաուղղված է տարածաշրջանում հայագիտական, բնագիտական, սոցիալ-տնտեսագիտական, հումանիտար գիտությունների և տեխնիկայի, մշակույթի տարբեր ուղղություններով կրթության, կիրառական գիտական հետազոտությունների և ուսումնառության կազմակերպմանը՝ հանրակրթական, միջին մասնագիտական, բարձրագույն մասնագիտական, լրացուցիչ կրթության մակարդակներում՝ Հայաստանի Հանրապետության օրենսդրությամբ նախատեսված կարգով և կրթական ծրագրերով:

2. ԵՊՀ ԻՍ-ն «Երևանի պետական համալսարան» պետական ոչ առևտրային կազմակերպության Իջևանի մասնաճյուղի (պետական գրանցման համարը՝ 01Բ.000.135) իրավահաջորդն է (փոխանցման ակտին համապատասխան):

3. ԵՊՀ ԻՍ-ն իր գործունեությունն իրականացնում է Հայաստանի Հանրապետության Սահմանադրությանը, Հայաստանի Հանրապետության քաղաքացիական օրենսգրքին, «Հիմնադրամների մասին» Հայաստանի Հանրապետության օրենքին, «Կրթության մասին» Հայաստանի Հանրապետության օրենքին, «Բարձրագույն և հետբուհական մասնագիտական կրթության մասին» Հայաստանի Հանրապետության օրենքին, «Երևանի պետական համալսարան» հիմնադրամի կանոնադրության, Հայաստանի Հանրապետության իրավական այլ ակտերին և սույն կանոնադրությանը համապատասխան:

4. ԵՊՀ ԻՍ-ի հիմնադիրը «Երևանի պետական համալսարան» հիմնադրամն է:

5. ԵՊՀ ԻՍ-ի անվանումն է՝

1) հայերեն լրիվ՝ «Երևանի պետական համալսարան» հիմնադրամի Իջևանի մասնաճյուղ,

2) հայերեն կրճատ՝ «ԵՊՀ ԻՍ»,

3) ռուսերեն լրիվ՝ Иджеванский филиал фонда «Ереванский государственный университет»,

4) ռուսերեն կրճատ՝ «ЕГУ ИФ»,

5) անգլերեն լրիվ՝ Ijevan Branch of «Yerevan State University» Foundation,

6) անգլերեն կրճատ՝ «YSU IB»:

6. ԵՊՀ ԻՍ-ի գտնվելու վայրն է՝ Հայաստանի Հանրապետություն, Տավուշի մարզ, ք. Իջևան, 4001, Ուսանողական 3:

II. ԵՊՀ ԻՄ-Ի ԻՐԱՎԱԿԱՆ ԿԱՐԳԱՎԻՃԱԿԸ

7. «Երևանի պետական համալսարան» հիմնադրամի Իջևանի մասնաճյուղը Երևանի պետական համալսարանի առանձնացված ստորաբաժանում է:

8. ԵՊՀ ԻՄ-ն իրավունք ունի օրենքով սահմանված կարգով՝ հիմնադրի թույլտվությամբ, բացելու բանկային հաշիվներ Հայաստանի Հանրապետության բանկերում՝ Հայաստանի Հանրապետության դրամով և (կամ) արտարժույթով:

9. ԵՊՀ ԻՄ-ի գործունեության ընթացքում ստացված ամբողջ շահույթը պետք է օգտագործվի նրա կանոնադրական նպատակների իրականացման համար:

10. ԵՊՀ ԻՄ-ն իր կանոնադրությանը համապատասխան՝

1) օգտագործում է Հայաստանի Հանրապետության կառավարության և հիմնադրի կողմից ԵՊՀ ԻՄ-ին տրամադրված գույքը,

2) սահմանված կարգի համաձայն տնօրինում, օգտագործում և տիրապետում է սեփականության իրավունքով իրեն պատկանող գույքը:

11. ԵՊՀ ԻՄ-ն կարող է ունենալ իր անվանումը պարունակող Հայաստանի Հանրապետության զինանշանի պատկերով կլոր կնիք, դրոշմներ, ձևաթղթեր, ինչպես նաև անհատականացման այլ միջոցներ:

III. ԵՊՀ ԻՄ-Ի ԳՈՐԾՈՒՆԵՈՒԹՅԱՆ ՆՊԱՏԱԿԸ ԵՎ ԻՐԱՎԱՍՈՒԹՅՈՒՆԸ

12. ԵՊՀ ԻՄ-ի նպատակն է՝

1) անձի մտավոր, հոգևոր և բարոյական զարգացման պահանջներին բավարարումը՝ բարձրագույն մասնագիտական կրթություն ստանալու միջոցով,

2) գիտության տարբեր բնագավառներում գիտական, ուսումնամեթոդական և գիտամանկավարժական հետազոտությունների իրականացումը,

3) գիտության, կրթության, տնտեսության և արվեստի զարգացումը՝ գիտամանկավարժական աշխատողների ու սովորողների գիտական հետազոտությունների և ստեղծագործական գործունեության միջոցով, ստացված արդյունքների օգտագործումը տնտեսության մեջ, հետազոտական և կրթական գործընթացում,

4) բարձրագույն կրթությամբ գիտամանկավարժական աշխատողների պատրաստումը և վերապատրաստումը,

5) կրթության որակի ապահովումը և բարելավման համապատասխան համակարգի ներդրումը,

6) աշխատաշուկայի պահանջների հիման վրա ուսուցման բովանդակության կատարելագործումը, մասնագիտությունների ու մասնագիտացումների համակարգերի մշակումը և արմատավորումը,

7) կրթական գործընթացի անընդհատության, թափանցիկության և հրապարակայնության ապահովումը,

8) սովորողին ազգային, բարոյական և համամարդկային արժեքների ոգով դաստիարակելը,

9) բնակչության շրջանում գիտելիքների տարածումը, նրա կրթական և մշակութային մակարդակի բարձրացումը,

10) սովորողների մեջ քաղաքացիական դիրքորոշման, հմտությունների և աշխատանքի նկատմամբ պատասխանատվության արմատավորումը՝ ժողովրդավարական ու քաղաքացիական հասարակության կառավարման պայմաններում,

11) սովորողների ու աշխատողների առողջության պահպանման, կենցաղի, սննդի, հանգստի, ֆիզիկական և հոգևոր զարգացման անհրաժեշտ պայմանների ստեղծումը:

13. ԵՊՀ ԻՄ-ն իր կանոնադրական նպատակներն իրականացնելու համար՝ օրենքով սահմանված կարգով իրավունք ունի՝

1) իրականացնելու բարձրագույն, հանրակրթական, միջին մասնագիտական և լրացուցիչ կրթության ծրագրեր,

2) հիմնադրի հետ միասին մշակելու և հաստատելու բարձրագույն կրթության մասնագիտությունների և մասնագիտացումների ուսումնական պլաններն ու առարկայական ծրագրերը, հրատարակելու ուսումնական գրականություն և ուսումնամեթոդական ձեռնարկներ,

3) հիմնադրի թույլտվությամբ որոշելու ուսումնական գործընթացի կազմակերպման, կրթական տեխնոլոգիաների և սովորողների ընթացիկ ատեստավորման ձևերի, կարգի ու պարբերականության ընտրության հարցերը,

4) ըստ կրթական ծրագրերի՝ կազմակերպելու դիմորդների, այդ թվում՝ օտարերկրյա քաղաքացիների ընդունելությունը և ուսումնական գործընթացը,

5) կազմակերպելու մասնագետների որակավորման բարձրացման, վերապատրաստման և լրացուցիչ կրթության այլ ծրագրեր,

6) հիմնադրի որոշմամբ հաստատելու իր կառուցվածքը, կառուցվածքային ստորաբաժանումների կառավարման կարգը, օրենքով սահմանված կարգով ստեղծելու, վերակազմակերպելու և լուծարելու կառուցվածքային ստորաբաժանումներ,

7) հիմնադրի հաստատմանը ներկայացնել բոլոր տարակարգերի աշխատողների հաստիքացուցակը, իրականացնելու աշխատողների ընտրությունը, նշանակումը, բաշխումը և ատեստավորումը՝ ներառյալ պրոֆեսորադասախոսական համակազմի, ուսումնական ստորաբաժանումների ղեկավարների պաշտոնների զբաղեցման կարգերը,

8) առանց հիմնադրի որոշման՝ բացառելու հիմնադրի կողմից ԵՊՀ ԻՄ-ի օգտագործմանը հանձնված գույքի, այդ թվում՝ շենքերի, շինությունների և հողատարածքների գրավադրումը, օտարումը կամ անհատույց օգտագործման հանձնումը,

9) իրեն օգտագործման իրավունքով տրամադրված գույքը հանձնելու վարձակալության՝ Հայաստանի Հանրապետության օրենսդրությամբ սահմանված կարգով: Հանձնված գույքի վարձակալության ժամկետը չի կարող սահմանվել մեկ տարվանից ավելի՝ բացառությամբ հիմնադրի կողմից սահմանված դեպքի: Հանձնված գույքի վարձակալության հանձնման արդյունքում ստացված տարածքի վարձավճարները պետական սեփականություն են:

10) հիմնադրի համաձայնությամբ կառավարելու իր ֆինանսները, որոշելու իր ֆինանսական միջոցների օգտագործման ուղղությունները՝ ներառյալ իր աշխատողների վարձատրության և նյութական խրախուսման կարգը և չափերը, սահմանելու կրթաթոշակներ,

11) իրականացնելու օրենքով և իր կանոնադրությամբ չարգելված այլ գործունեություն:

14. Չեն թույլատրվում ԵՊՀ ԻՄ-ում հասարակական-քաղաքական, հասարակական և կրոնական կազմակերպությունների, դրանց կազմակերպական կառույցների ստեղծումն ու գործունեությունը՝ բացառությամբ արհեստակցական, մասնագիտական, մշակութային, մարզական և շրջանավարտների կազմակերպությունների ու միությունների:

15. ԵՊՀ ԻՄ-ն կարող է անձամբ զբաղվել ձեռնարկատիրական գործունեության հետևյալ տեսակներով՝

1) հանրակրթական, միջին և բարձրագույն մասնագիտական, լրացուցիչ կրթության կազմակերպում,

- 2) կիրառական արվեստի բնագավառում կրթական գործունեության իրականացում և արդյունքների առևտրայնացում,
- 3) գիտամանկավարժական կադրերի պատրաստում, վերապատրաստում, որակավորման բարձրացում,
- 4) գիտահետազոտական և գիտաարտադրական աշխատանքների իրականացում, դրանց արդյունքների առևտրայնացում,
- 5) խորհրդատվական, փորձագիտական ծառայությունների մատուցում,
- 6) հրատարակչական, տպագրական գործունեության ծավալում, դրա արդյունքների իրացում, գրքերի և այլ տպագրական նյութերի վաճառքի իրականացում,
- 7) իր կողմից հրատարակվող տպագիր և էլեկտրոնային միջոցներով գովազդի իրականացում,
- 8) կրթական և ուսումնական վճարովի դասընթացների կազմակերպում,
- 9) միջազգային ուսումնական և գիտատեխնիկական ծրագրերի իրականացում,
- 10) աշխատողների, սովորողների և այլ անձանց հանրային սննդի, հանգստի, բուժման, կենցաղի կազմակերպում ու սպասարկում:

IV. ԵՊՀ ԻՄ-Ի ՇԱՀԱՌՈՒՆԵՐԸ

16. ԵՊՀ ԻՄ-ի շահառուները կրթական, գիտական, մշակութային, գիտաարտադրական և սույն կանոնադրությամբ նախատեսված բնագավառներին առնչվող ֆիզիկական ու իրավաբանական անձինք են:

V. ԵՊՀ ԻՄ-Ի ՊԱՐՏԱԿԱՆՈՒԹՅՈՒՆՆԵՐԸ

17. ԵՊՀ ԻՄ-ն պարտավոր է՝
 - 1) գործել Հայաստանի Հանրապետության օրենսդրությանը, միջազգային իրավունքի նորմերին և սկզբունքներին, ինչպես նաև ԵՊՀ-ի և իր կանոնադրությանը համապատասխան,
 - 2) հրապարակել իր գործունեության մասին ամենամյա հաշվետվություն, օրենքով նախատեսված դեպքում նաև՝ ֆինանսական հաշվետվությունների աուդիտի եզրակացություն,
 - 3) օրենքով սահմանված կարգով վարել գործառնություն և հաշվապահական հաշվառում,
 - 4) Հայաստանի Հանրապետության օրենսդրությամբ նախատեսված դեպքերում և կարգով տեղեկատվություն ու հաշվետվություններ ներկայացնել պետական մարմիններ,
 - 5) ապահովել սույն կետում նշված հաշվետվություններին ծանոթանալու մատչելիությունը,
 - 6) իրականացնել օրենքով սահմանված այլ պարտականություններ:

VI. ԵՊՀ ԻՄ-Ի ՄԱՐՄԻՆՆԵՐԸ

18. ԵՊՀ ԻՄ-ն կառավարվում է Հայաստանի Հանրապետության օրենսդրությանը, ԵՊՀ կանոնադրության և սույն կանոնադրությանը համապատասխան: ԵՊՀ ԻՄ-ի կառավարումը հիմնված է միանձնյա և կոլեգիալ կառավարման սկզբունքների հիման վրա:

19. ԵՊՀ ԻՄ-ն իր գործունեությունն իրականացնում է իր մարմինների միջոցով:

20. ԵՊՀ ԻՄ-ի կառավարման մարմիններն են՝

1) գիտական խորհուրդը,

2) տնօրենը:

21. Գիտական խորհուրդը՝

1) հաստատում է իր կանոնակարգը,

2) տնօրենի ներկայացմամբ՝ ԵՊՀ ռեկտորին ներկայացնում է առաջարկություն կառուցվածքային ստորաբաժանումներ ստեղծելու, վերակազմակերպելու, լուծարելու վերաբերյալ,

3) հատկացված ընդհանուր չափաքանակների շրջանակներում քննարկում և ընդունում է որոշումներ ԵՊՀ ԻՄ-ի՝ ըստ կրթական ծրագրերի և մասնագիտությունների ընդունելության վերաբերյալ,

4) հաստատում է ԵՊՀ ԻՄ-ի ներքին իրավական ակտերը,

5) քննարկում և հաստատում է կրթական ծրագրերը,

6) քննարկում է հետազոտական գործունեության գլխավոր և հեռանկարային ուղղությունները, լսում հաղորդումներ ԵՊՀ ԻՄ-ում կատարվող կարևորագույն հետազոտական և մեթոդական աշխատանքների արդյունքների մասին,

7) ընդունում է անվանական և այլ կրթաթոշակներ տալու, ԵՊՀ մեդալով պարգևատրելու համար թեկնածություններ ներկայացնելու մասին որոշումներ,

8) հաստատում է ֆակուլտետների ղեկանների, ամբիոնների վարիչների և պրոֆեսորադասախոսական համակազմի ընտրությունների ընթացակարգերը,

9) հաստատում է ֆակուլտետների ղեկանների, ամբիոնների վարիչների, պրոֆեսորների թափուր պաշտոնների տեղակալման մրցույթների արդյունքները,

10) ԵՊՀ ԻՄ-ի գործունեության բնագավառներին, նպատակներին և խնդիրներին համապատասխան՝ հիմնադրին է ներկայացնում առաջարկություններ ԵՊՀ ԻՄ-ի գործունեության հիմնական ուղղությունների, այդ թվում՝ նոր մասնագիտություններով կրթական ծրագրեր իրականացնելու վերաբերյալ,

11) տնօրենին ներկայացնում է առաջարկություններ ԵՊՀ ԻՄ-ի եկամուտների և ծախսերի տարեկան նախահաշվի նախագծի վերաբերյալ,

12) քննարկում է հանրապետության հասարակական, քաղաքական, կրթական, գիտական և մշակութային կյանքին ու կարևորագույն իրադարձություններին վերաբերող խնդիրներ,

13) քննարկում և հրատարակության է երաշխավորում մենագրություններ, ուսումնական ձեռնարկներ, ժողովածուներ և այլ նյութեր,

14) ըստ անհրաժեշտության ստեղծում է գիտական խորհրդին կից գործող մշտական և ժամանակավոր հանձնաժողովներ, սահմանում դրանց կառուցվածքը, կազմերի ձևավորման կարգը և աշխատակարգը,

15) լսում է տնօրենի ամենամյա հաշվետվությունը,

16) իրականացնում է Հայաստանի Հանրապետության օրենսդրությունից և սույն կանոնադրությունից բխող այլ լիազորություններ:

22. Գիտական խորհրդի անդամների ընդհանուր թիվը չի կարող գերազանցել 35-ը, որի առնվազն 50 տոկոսն ընտրովի անդամներն են:

23. Գիտական խորհրդի կազմում ի պաշտոնե ընդգրկվում են տնօրենը (գիտական խորհրդի նախագահ), փոխտնօրենը, գիտական քարտուղարը (գիտական խորհրդի քարտուղար), գլխավոր հաշվապահը, իրավաբանական բաժնի ղեկավարը, արհեստակցական կազմակերպության ղեկավարը, ֆակուլտետների, տնօրենի նշանակմամբ՝ այլ կառուցվածքային ստորաբաժանումների ղեկավարները, ինչպես նաև ընտրովի անդամներ:

գիտական խորհրդի կանոնակարգին համապատասխան: ԵՊՀ ԻՄ-ի գիտական խորհրդի անդամների թվի 25 տոկոսը սովորողներն են, որոնց առաջադրում է համապատասխան մակարդակի ուսանողական խորհուրդը, իսկ ընտրությունն իրականացնում է ԵՊՀ ԻՄ-ի ուսանողական խորհուրդը:

24. Գիտական խորհրդի նիստը համարվում է իրավագոր նրա անդամների 2/3-ի ներկայության դեպքում: Որոշումներն ընդունվում են խորհրդի անդամների ձայների պարզ մեծամասնությամբ, բաց քվեարկությամբ, եթե որոշում չի ընդունվում փակ, գաղտնի քվեարկության մասին: Գիտական խորհրդի նիստերը կարող են անցկացվել տեղեկատվական տեխնոլոգիաների և հեռահաղորդակցության այլ միջոցների կիրառմամբ, ինչպես նաև հարցման միջոցով:

25. Գիտական խորհրդի արտահերթ նիստ կարող է հրավիրվել գիտական խորհրդի նախագահի առաջարկով, ինչպես նաև գիտական խորհրդի անդամների 1/3-ի պահանջով: Գիտական խորհրդի նախագահն արտահերթ նիստ հրավիրելու վերաբերյալ պահանջն ստանալուց հետո 10-օրյա ժամկետում պարտավոր է ապահովել նիստի գումարումը:

26. ԵՊՀ ԻՄ-ի ընթացիկ գործունեությունը ղեկավարում է տնօրենը: Տնօրենն իր իրավասության սահմաններում, Հայաստանի Հանրապետության օրենսդրությանն ու սույն կանոնադրությանը համապատասխան պատասխանատվություն է կրում ԵՊՀ ԻՄ-ի աշխատանքի արդյունքների համար: Տնօրենը կազմակերպում է գիտական խորհրդի որոշումների կատարումը:

27. Տնօրենի իրավունքներն ու պարտականությունները սահմանվում են Հայաստանի Հանրապետության օրենսդրությամբ, սույն կանոնադրությամբ և նրա հետ կնքված աշխատանքային պայմանագրով:

28. ԵՊՀ ԻՄ-ի տնօրենը`

1) ղեկավարում է ԵՊՀ ԻՄ-ի կրթական, գիտական, արտադրական, տնտեսական, ֆինանսական, միջազգային և այլ գործունեությունը,

2) կազմակերպում է ԵՊՀ ԻՄ-ի գիտական խորհրդի, կառուցվածքային ստորաբաժանումների աշխատանքները` ապահովելով դրանց ներդաշնակ գործունեությունը,

3) հրավիրում է ԵՊՀ ԻՄ-ի գիտական խորհրդի, տնօրինության նիստերը,

4) տարեկան հաշվետվություն է ներկայացնում ԵՊՀ գիտական խորհրդին,

5) ԵՊՀ ռեկտորին առաջարկություն է ներկայացնում ԵՊՀ ԻՄ-ի կանոնադրության կամ դրանում փոփոխություններ ու լրացումներ կատարելու վերաբերյալ,

6) ԵՊՀ ռեկտորին առաջարկություն է ներկայացնում ԵՊՀ ԻՄ-ի եկամուտների և ծախսերի տարեկան նախահաշվի, կառուցվածքի և հաստիքացուցակի վերաբերյալ,

7) ապահովում է ԵՊՀ հոգաբարձուների խորհրդի և գիտական խորհրդի որոշումների կատարումը,

8) ԵՊՀ ռեկտորին առաջարկություն է ներկայացնում կառուցվածքային ստորաբաժանումներ ստեղծելու, վերակազմակերպելու կամ լուծարելու վերաբերյալ,

9) ԵՊՀ ԻՄ-ի գիտական խորհրդի հաստատմանն է ներկայացնում ԵՊՀ ԻՄ-ի ներքին իրավական ակտեր,

10) սույն կանոնադրությանը համապատասխան` կազմավորում է ԵՊՀ ԻՄ-ի գիտական խորհուրդը և կառուցվածքային ստորաբաժանումների կոլեգիալ կառավարման մարմինները, սահմանում է աշխատողների լիազորությունները, պաշտոնական պարտականությունները,

11) արձակում է ուսանողների ընդունելության, հեռացման, վերականգնման, համապատասխան արձակուրդ ձևակերպելու, խրախուսման միջոցներ և կարգապահական տույժեր կիրառելու, որակավորման աստիճան շնորհելու, ուսանողական նպաստ հատկացնելու և ԵՊՀ ԻՄ-ի գործունեությանը վերաբերող այլ հրամաններ,

12) ԵՊՀ ռեկտորի համաձայնությամբ աշխատանքի ընդունում և աշխատանքից ազատում է փոխտնօրեններին, որոշում նրանց գործունեության ոլորտները և իրավասությունը,

13) աշխատանքի ընդունում և աշխատանքից ազատում է կառուցվածքային ստորաբաժանումների ղեկավարներին և աշխատողներին, նրանց նկատմամբ կիրառում խրախուսման միջոցներ և կարգապահական տույժեր, կազմակերպում աշխատողների ատեստավորումը,

14) կնքում է մինչև հինգ միլիոն դրամի կամ դրան համարժեք այլ արտարժույթի չափով պայմանագրեր: Նշված սահմանաչափը գերազանցող պայմանագրերը ենթակա են հաստատման ԵՊՀ ռեկտորի կողմից:

15) կասեցնում է ԵՊՀ ԻՄ-ի գիտական խորհրդի, ինչպես նաև կառուցվածքային ստորաբաժանումների ղեկավարների այն որոշումները, որոնք չեն բխում նրանց իրավասությունից, հակասում են Հայաստանի Հանրապետության օրենսդրությանն ու սույն կանոնադրությանը, և նշանակում է դրանց վերաքննարկում,

16) իր բացակայության ժամանակ տնօրենի պարտականությունների կատարումը հանձնարարում է փոխտնօրեններից մեկին,

17) տալիս է ԵՊՀ ԻՄ-ի անունից հանդես գալու լիազորագրեր, բանկերում բացում է հաշվարկային հաշիվներ,

18) իրականացնում է Հայաստանի Հանրապետության օրենսդրությանը չհակասող և ԵՊՀ կանոնադրության և սույն կանոնադրությամբ նախատեսված այլ լիազորություններ:

29. ԵՊՀ ԻՄ-ի տնօրենը նշանակվում է ԵՊՀ ռեկտորի կողմից՝ 5 տարի ժամկետով (համաձայն հաստատված ընթացակարգի), և նրա հետ կնքվում է աշխատանքային պայմանագիր:

30. ԵՊՀ ԻՄ-ի տնօրեն կարող է նշանակվել այն դոցենտը կամ պրոֆեսորը, որն ունի գիտությունների թեկնածուի կամ դոկտորի գիտական աստիճան: Նույն անձը չի կարող ավելի քան 2 անգամ նշանակվել տնօրենի պաշտոնում:

31. Փոխտնօրենները նշանակվում են տնօրենի հրամանով և իրականացնում են ԵՊՀ ԻՄ-ի գործունեության որոշակի ոլորտի անմիջական ղեկավարում՝ տնօրենի հանձնարարություններին, հրամաններին և կարգադրություններին համապատասխան:

32. ԵՊՀ ԻՄ-ի տնօրենությունը տնօրենին կից խորհրդակցական մարմին է, որը ձևավորվում է ԵՊՀ ԻՄ-ի տնօրենի հրամանով: ԵՊՀ ԻՄ-ի գիտական խորհրդի նիստերի միջև ընկած ժամանակահատվածում տնօրենությունը քննարկում է ԵՊՀ ԻՄ-ի գործունեության ոլորտներին վերաբերող հարցեր: Տնօրինության անվանական կազմը հաստատում է ԵՊՀ ԻՄ-ի տնօրենը:

VII. ԵՊՀ ԻՄ-Ի ԿԱՆՈՆԱԴՐՈՒԹՅԱՆ ՄԵՋ ՓՈՓՈԽՈՒԹՅՈՒՆՆԵՐ

ԵՎ ԼՐԱՑՈՒՄՆԵՐ ԿԱՏԱՐԵԼ

33. ԵՊՀ ԻՄ-ի կանոնադրության մեջ փոփոխություններ և լրացումներ կատարել, ձեռնարկատիրական գործունեության նոր տեսակներ կարող է սահմանել ԵՊՀ ԻՄ-ի հիմնադիրը՝ ԵՊՀ կանոնադրությամբ սահմանված կարգով:

VIII. ԵՊՀ ԻՄ-Ի ԳՈՐԾՈՒՆԵՈՒԹՅՈՒՆ

34. ԵՊՀ ԻՄ-ն հիմնադրի համաձայնությամբ պլանավորում է իր գործունեությունը, մշակում զարգացման հեռանկարները և ընդունում իր գործունեության վերաբերյալ որոշումներ:

35. Իր կանոնադրական գործունեությունն իրականացնելիս ԵՊՀ ԻՄ-ն իրավունք ունի սեփական նախաձեռնությամբ ընդունելու Հայաստանի Հանրապետության օրենսդրությանը չհակասող ցանկացած որոշում:

36. ԵՊՀ ԻՄ-ն ձեռնարկատիրական գործունեություն իրականացնում է միայն այն դեպքերում, երբ դա համապատասխանում է իր կանոնադրությանը կամ ծառայում իր կանոնադրական նպատակների իրականացմանը: ԵՊՀ ԻՄ-ի կողմից իրականացվող (այդ թվում անձամբ) ձեռնարկատիրական գործունեության տեսակները սահմանվում են սույն կանոնադրությամբ:

IX. ԵՊՀ ԻՄ-ՈՒՄ ՈՒՍՈՒՄՆԱԿԱՆ ԵՎ ԳԻՏԱԿԱՆ ԳՈՐԾԸՆԹԱՑԻ ԿԱԶՄԱԿԵՐՊՈՒՄՆ ՈՒ ՖԻՆԱՆՍԱԿՈՐՈՒՄԸ

37. Սովորողների ընդունելությունը և ուսուցման մեկ մակարդակից մյուսին անցումը կատարվում են Հայաստանի Հանրապետության օրենսդրությանը և իրավական այլ ակտերին համապատասխան:

38. ԵՊՀ ԻՄ-ում բարձրագույն կրթությունն իրականացվում է բակալավրի և մագիստրոսի հիմնական կրթական ծրագրերով, պետական կրթական չափորոշիչներին համապատասխան: ԵՊՀ ԻՄ-ն կարող է իրականացնել նաև հանրակրթական, նախնական, միջին մասնագիտական, ինչպես նաև լրացուցիչ կրթական ծրագրեր:

39. Օտարերկրյա քաղաքացիների և քաղաքացիություն չունեցող անձանց վճարովի հիմունքներով ուսուցումն իրականացվում է հիմնադրի սահմանած կարգի համաձայն:

40. ԵՊՀ ԻՄ-ում կիրառվում է բարձրագույն կրթության աստիճանական համակարգ: Ուսուցման յուրաքանչյուր աստիճանի շրջանավարտին տրվում է համապատասխան որակավորում և ավարտական վկայական (դիպլոմ):

41. Լրացուցիչ մասնագիտական կրթական ծրագիրն ավարտած և ամփոփիչ ատեստավորումն անցած անձանց տրվում է ԵՊՀ կողմից սահմանված նմուշի ավարտական փաստաթուղթ (վկայագիր, հավաստագիր):

42. ԵՊՀ ԻՄ-ում ուսուցումը կարող է իրականացվել առկա, հեռակա, դրսեկության և հեռավար ձևերով: Թույլատրելի է բարձրագույն կրթություն ստանալու տարբեր ձևերի գույքակցումը:

43. ԵՊՀ ԻՄ-ի հիմնական կրթական ծրագրերով ուսումնառությունն իրականացվում է կրեդիտների կուտակման և փոխանցման համաեվրոպական համակարգի դրույթներին համապատասխան:

44. ԵՊՀ ԻՄ-ում գործում է ուսանողների գիտելիքների պարբերական ստուգման և գնահատման բազմագործոն համակարգ:

45. ԵՊՀ ԻՄ-ում գործում է որակի ներքին ապահովման և վերահսկման համակարգ, որի նպատակը կրթության որակի շարունակական բարելավումն է:

46. ԵՊՀ ԻՄ-ում իրականացվող գիտահետազոտական աշխատանքներին կարող են մասնակցել ԵՊՀ ԻՄ-ի աշխատողները և սովորողները, ինչպես նաև պայմանագրային հիմունքներով հրավիրված այլ մասնագետներ:

47. ԵՊՀ ԻՄ-ն կազմակերպում և անցկացնում է գիտաժողովներ, համաժողովներ, խորհրդակցություններ, սեմինարներ, հրատարակում է գիտական պարբերականներ, ժողովածուներ, մենագրություններ, դասագրքեր, ուսումնական ձեռնարկներ:

48. ԵՊՀ ԻՄ-ի ուսումնական և գիտական գործունեությունը ֆինանսավորվում է հետևյալ աղբյուրներից՝

- 1) Հայաստանի Հանրապետության պետական բյուջեից,

- 2) ԵՊՀ ԻՄ-ի հիմնադրի կողմից,
 - 3) Հայաստանի Հանրապետության և օտարերկրյա հիմնարկների, կազմակերպությունների ու ֆիզիկական անձանց նվիրատվություններից, դրամաշնորհներից,
 - 4) ԵՊՀ ԻՄ-ի վճարովի ծառայություններից ստացվող միջոցներից,
 - 5) բարեգործական նպատակով տրամադրվող միջոցներից,
 - 6) նախաձեռնողական հետազոտությունների համար նախատեսված միջոցներից,
 - 7) Հայաստանի Հանրապետության օրենսդրությամբ չարգելված այլ աղբյուրներից:
49. Հայաստանի Հանրապետության պետական բյուջեի միջոցներով իրականացվող գիտահետազոտական, նախագծային, կոնստրուկտորական, փորձարարական և այլ աշխատանքների պլանավորումը, ֆինանսավորումը, հաշվետվությունն իրականացվում են Հայաստանի Հանրապետության օրենսդրությամբ սահմանված կարգով:

X. ԵՊՀ ԻՄ-Ի ԿԱՌՈՒՑՎԱԾՔԸ

50. ԵՊՀ ԻՄ-ի կառուցվածքային ստորաբաժանումներն են ֆակուլտետները, ամբիոնները, կենտրոնները, վարչությունները, բաժինները, լաբորատորիաները, գիտական գրադարանը և այլ ստորաբաժանումներ:

51. ԵՊՀ ԻՄ-ի կառուցվածքային ստորաբաժանման կարգավիճակը և իրավասությունը սահմանվում են Հայաստանի Հանրապետության օրենսդրությամբ, սույն կանոնադրությամբ և ԵՊՀ ԻՄ-ի գիտական խորհրդի հաստատած կանոնակարգերով:

52. ԵՊՀ ԻՄ-ի ֆակուլտետը գործում է իր կանոնադրությամբ համապատասխան:

53. Ֆակուլտետը, ելնելով իր կողմից իրականացվող ուսումնական, մանկավարժական, մեթոդական, գիտական և ուսումնաօժանդակ աշխատանքներից, ըստ սահմանված չափանիշների, կազմում է իր հաստիքացուցակի նախագիծը և ներկայացնում ԵՊՀ ԻՄ-ի տնօրենին: Ֆակուլտետը կազմված է ամբիոններից, լաբորատորիաներից և ուսումնական, գիտական ու օժանդակ այլ ստորաբաժանումներից: Ֆակուլտետի կառավարման մարմիններն են ֆակուլտետի գիտական խորհուրդը և դեկանը:

54. Ֆակուլտետի կառավարման կոլեգիալ մարմինը ֆակուլտետի գիտական խորհուրդն է, որի նախագահը ֆակուլտետի դեկանն է: Գիտական խորհրդի կազմում ընդգրկվում են դեկանի տեղակալները, ֆակուլտետի ամբիոնների վարիչները, ֆակուլտետի արհելյուրոյի նախագահը, պրոֆեսորներ, դոցենտներ, ոլորտի այլ մասնագետներ, սովորողներ: Գիտական խորհրդի անդամների թվի 25 տոկոսը սովորողներն են, որոնց առաջադրումն ու ընտրությունն իրականացնում է ֆակուլտետի ուսանողական խորհուրդը:

55. Ֆակուլտետի գիտական խորհրդի՝ որպես կառավարման մարմնի, ձևավորման ու գործունեության կարգը սահմանվում է ֆակուլտետի օրինակելի կանոնադրությամբ:

56. Ֆակուլտետի գիտական խորհուրդը՝

1) ԵՊՀ ԻՄ-ի տնօրենին ներկայացնում է առաջարկություն ֆակուլտետի կառուցվածքում ամբիոններ և այլ կառուցվածքային ստորաբաժանումներ ստեղծելու, լուծարելու, վերակազմավորելու վերաբերյալ,

2) ընդունում է որոշում ֆակուլտետի կրթական, գիտական աշխատանքի և այլ հարցերի վերաբերյալ,

3) լսում է ֆակուլտետի դեկանի ամենամյա հաշվետվությունը և գնահատում նրա գործունեությունը,

4) ԵՊՀ գիտական խորհրդի ընդունած օրինակելի կանոնադրության հիման վրա ԵՊՀ ԻՄ-ի գիտական խորհրդի հաստատմանն է ներկայացնում ֆակուլտետի կանոնադրությունը,

5) առաջադրում է ԵՊՀ ԻՄ-ի գիտական խորհրդում ֆակուլտետի ներկայացուցիչների թեկնածուներին,

6) լուծում է ֆակուլտետի ուսումնական, գիտական աշխատանքի և այլ գործունեության հարցերը,

7) ԵՊՀ ԻՄ-ի տնօրենին է ներկայացնում ֆակուլտետի ուսումնական պլանները՝ ԵՊՀ ԻՄ-ի գիտական խորհրդում հաստատելու համար,

8) լուծում է սույն կանոնադրությունից և ԵՊՀ ԻՄ-ի այլ ներքին իրավական ակտերից բխող՝ ֆակուլտետի ուսումնամեթոդական և գիտահետազոտական գործունեությանը վերաբերող այլ հարցեր:

57. Ֆակուլտետի գիտական խորհրդի նիստերը գումարվում են ուսումնական տարվա ընթացքում առնվազն 8 անգամ: Ֆակուլտետի գիտական խորհրդում որոշումներն ընդունվում են խորհրդի նիստին ներկա անդամների ձայների պարզ մեծամասնությամբ, եթե Հայաստանի Հանրապետության օրենսդրությամբ, սույն կանոնադրությամբ կամ ֆակուլտետի կանոնադրությամբ այլ բան նախատեսված չէ: Ֆակուլտետի գիտական խորհրդի որոշումները պարտադիր են ֆակուլտետի աշխատողների և սովորողների համար:

58. Ֆակուլտետի գործունեությունը կազմակերպում և ղեկավարում է ֆակուլտետի ղեկանը՝ իր իրավասության սահմաններում և սույն կանոնադրության համաձայն:

59. Ֆակուլտետի ղեկան կարող է ընտրվել այն անձնավորությունը, որն ունի գիտությունների թեկնածուի կամ դոկտորի գիտական աստիճան և/կամ դոցենտի կամ պրոֆեսորի գիտական կոչում:

60. Դեկանն ընտրվում է մասնաճյուղի գիտական խորհրդում՝ փակ, գաղտնի քվեարկությամբ՝ 5 տարի ժամկետով: Դեկանի պաշտոնում ընտրված է համարվում մասնաճյուղի գիտական խորհրդում ամենաշատ, բայց առնվազն մասնակիցների ձայների կեսից ավելի ձայներ հավաքած թեկնածուն: Ընտրությունների արդյունքների հիման վրա ընտրված դեկանին պաշտոնի է նշանակում ԵՊՀ ԻՄ-ի տնօրենը և սահմանված կարգով կնքում է պայմանագիր՝ 5 տարի ժամկետով: Ֆակուլտետի ղեկանն իր պաշտոնը կարող է զբաղեցնել ոչ ավելի, քան երկու ժամկետ անընդմեջ: Դեկանի ընտրությունը կազմակերպվում և իրականացվում է ղեկանների ընտրության կանոնակարգին համապատասխան:

61. Ֆակուլտետի ղեկանը՝

1) ղեկավարում է ֆակուլտետի կրթական, գիտական և այլ գործունեությունը,

2) ապահովում է ԵՊՀ ԻՄ-ի մարմինների և ֆակուլտետի գիտական խորհրդի որոշումների կատարումը,

3) տնօրենի հաստատմանն է ներկայացնում ղեկանի տեղակալի և ֆակուլտետի գիտական խորհրդի քարտուղարի թեկնածությունները,

4) սահմանված կարգով տնօրենին ներկայացնում է առաջարկություն ուսանողներին հեռացնելու, վերականգնելու վերաբերյալ,

5) ներկայացնում է առաջարկություն ուսանողներին կուրսից կուրս փոխադրելու մասին,

6) իրականացնում է Հայաստանի Հանրապետության օրենսդրությամբ, սույն կանոնադրությամբ, ֆակուլտետի կանոնադրությամբ նախատեսված այլ լիազորություններ:

62. Ֆակուլտետի գիտական խորհրդի նիստերի միջև ընկած ժամանակահատվածում ֆակուլտետին առնչվող ընթացիկ հարցերը քննարկվում և լուծվում են ղեկանատի նիստում, որին մասնակցում են ղեկանը, ղեկանի տեղակալը, ֆակուլտետի կազմի մեջ մտնող ամբիոնների վարիչները, ֆակուլտետի գիտական խորհրդի քարտուղարը, ֆակուլտետի արհրբյուրոյի և ուսանողական խորհրդի նախագահները: Դեկանատի նիստերն արձանագրվում են:

63. Ամբիոնները (բաժինները, լաբորատորիաները) ֆակուլտետի ուսումնագիտական գործընթացի կազմակերպման կառուցվածքային հիմնական ստորաբաժանումներն են, որոնք գործում են սույն կանոնադրության և ֆակուլտետների ամբիոնների ու լաբորատորիաների կանոնադրությունների հիման վրա:

64. Ամբիոնը գործում է սույն կանոնադրությանը և ֆակուլտետի կանոնադրությանը համապատասխան:

65. Ամբիոնը, ելնելով կատարվող մանկավարժական, գիտական և ուսումնաօժանդակ աշխատանքների ծավալից ու ձևերից, ըստ սահմանված չափանիշների՝ մշակում է իր աշխատողների ուսումնական բեռնվածությունը:

66. ԵՊՀ ԻՄ-ի ամբիոնում պրոֆեսորադասախոսական կազմի աշխատանքի ընդունումը, նրանց և ԵՊՀ ԻՄ-ի միջև աշխատանքային հարաբերություններն իրականացվում են պայմանագրային հիմունքներով, մրցութային կարգով:

67. Ամբիոնը ղեկավարում է վարիչը, որն ընտրվում է ԵՊՀ ԻՄ-ի գիտական խորհրդի կողմից սահմանված կարգով, բաց մրցույթի հիման վրա, գաղտնի քվեարկությամբ, 5 տարի ժամկետով: Ընտրության արդյունքների հիման վրա ամբիոնի վարիչին պաշտոնի է նշանակում տնօրենը: Ամբիոնի վարիչի ընտրությունը կազմակերպվում և իրականացվում է ամբիոնի վարիչի ընտրության՝ ԵՊՀ ԻՄ-ի գիտական խորհրդի կողմից հաստատված կանոնակարգին համապատասխան: Ամբիոնի վարիչի գործունեությունը համարվում է գիտամանկավարժական աշխատանք:

68. Ամբիոնի ուսումնագիտական գործունեությանը վերաբերող հիմնական հարցերը քննարկվում են ամբիոնի գիտամանկավարժական կազմի նիստում: Ամբիոնի ուսումնաօժանդակ համակազմի աշխատողներն ամբիոնի նիստին մասնակցում են խորհրդակցական ձայնի իրավունքով:

69. Ֆակուլտետի մյուս ստորաբաժանումների ձևավորման և գործունեության կարգը սահմանվում է ֆակուլտետի կանոնադրությամբ:

XI. ԵՊՀ ԻՄ-Ի ԱԾԽԱՏՈՂՆԵՐԸ ԵՎ ՍՈՎՈՐՈՂՆԵՐԸ

70. ԵՊՀ ԻՄ-ի աշխատողները բաժանվում են գիտամանկավարժական (պրոֆեսորադասախոսական համակազմ (ամբիոնի վարիչ, պրոֆեսոր, դոցենտ, ասիստենտ և դասախոս), վարչական, ուսումնաօժանդակ, ինժեներատեխնիկական և այլ տարակարգերի:

71. ԵՊՀ ԻՄ-ի աշխատողների և ուսանողների իրավունքներն ու պարտականությունները սահմանվում են Հայաստանի Հանրապետության օրենսդրությամբ, սույն կանոնադրությամբ, ԵՊՀ ԻՄ-ի կոլեկտիվ պայմանագրով և այլ ներքին իրավական ակտերով:

72. ԵՊՀ ԻՄ-ի աշխատողներն իրավունք ունեն՝

1) ընտրելու և ընտրվելու ԵՊՀ ԻՄ-ի պաշտոններում և կառավարման մարմիններում, ընդգրկվելու և մասնակցելու ԵՊՀ ԻՄ-ի համապատասխան կառավարման մարմինների աշխատանքներին՝ Հայաստանի Հանրապետության օրենսդրությամբ, ԵՊՀ ԻՄ-ի կանոնադրությամբ և կոլեկտիվ պայմանագրով սահմանված կարգով,

2) մասնակցելու ԵՊՀ ԻՄ-ի գործունեությանն առնչվող բոլոր խնդիրների քննարկմանը,

3) ընտրելու ուսումնական գործընթացի դասավանդման մեթոդներ,

4) միավորվելու արհեստակցական կազմակերպություններում,

5) ԵՊՀ ԻՄ-ի կանոնադրությանը և կոլեկտիվ պայմանագրին համապատասխան՝ օգտվելու գրադարանների, տեղեկատվական պահոցների, ուսումնական և գիտական ստորաբաժանումների, ինչպես նաև սոցիալ-կենցաղային, բուժական ստորաբաժանումների:

րի, ուսումնաարտադրական բազաների, մարզաառողջարանային ճամբարի և այլ կառուցվածքային ստորաբաժանումների վճարովի և անվճար ծառայություններից,

6) Հայաստանի Հանրապետության օրենսդրությամբ սահմանված կարգով բողոքարկելու ԵՊՀ ԻՄ-ի կառավարման մարմինների և համապատասխան ստորաբաժանումների ղեկավարների կողմից ընդունված ակտերը,

7) սահմանված կարգով ստանալու վճարվող կամ չվճարվող արձակուրդ,

8) ստանալու դրամական հատուցում՝ աշխատանքի ժամանակ կյանքին կամ առողջությանը պատճառված վնասի համար,

9) նախատեսված ժամկետում և սահմանված չափով ստանալու աշխատավարձ, լրավճարներ, հավելավճարներ, ինչպես նաև պարգևատրումներ և խրախուսումներ (ներառյալ՝ դրամական) Հայաստանի Հանրապետության օրենսդրությամբ, սույն կանոնադրությամբ և ԵՊՀ ԻՄ-ի կողմից պայմանագրով սահմանված դեպքերում և կարգով,

10) ունենալու կազմակերպական և նյութատեխնիկական պայմաններ՝ մասնագիտական և աշխատանքային գործունեության համար,

11) ըստ նախասիրությունների՝ կազմակերպելու և մասնակցելու ԵՊՀ ԻՄ-ում անցկացվող գիտահետազոտական աշխատանքներին, սեմինարներին և գիտաժողովներին,

12) ԵՊՀ ԻՄ-ի աշխատողներն ունեն Հայաստանի Հանրապետության օրենսդրությամբ, սույն կանոնադրությամբ և իրավական այլ ակտերով նախատեսված այլ իրավունքներ,

13) ԵՊՀ ԻՄ-ի պրոֆեսորադասախոսական կազմը, գիտաշխատողները և սովորողներն օժտված են ակադեմիական ազատություններով:

73. ԵՊՀ ԻՄ-ում պրոֆեսորադասախոսական կազմի, գիտական աշխատողների բոլոր թափուր պաշտոններն զբաղեցվում են համաձայն սույն կանոնադրության և գիտամանկավարժական պաշտոնների տեղակալման կարգի:

74. ԵՊՀ ԻՄ-ի աշխատողները պարտավոր են՝

1) պահպանել և կատարել սույն կանոնադրության, ԵՊՀ ԻՄ-ի ներքին կարգապահական կանոնների և ներքին իրավական այլ ակտերի պահանջները,

2) կատարել ԵՊՀ ԻՄ-ի ղեկավար մարմինների օրինական որոշումները,

3) ապահովել ուսումնական գործընթացի, անցկացվող գիտական հետազոտությունների արդյունավետությունը,

4) պահպանել և արդյունավետ ու խնայողաբար օգտագործել ԵՊՀ ԻՄ-ի գույքը,

5) մշտապես բարձրացնել իրենց մասնագիտական որակավորումը, առնվազն յուրաքանչյուր 5 տարին մեկ անգամ՝ սահմանված կարգով անցնել վերապատրաստում կամ որակավորման բարձրացում,

6) ցուցաբերել ակադեմիական ազնվություն և բոլոր միջոցներով պայքարել գրագողության դեմ,

7) կատարել Հայաստանի Հանրապետության օրենսդրությամբ, ԵՊՀ ԻՄ-ի կանոնադրությամբ, ներքին կարգապահական կանոններով և ԵՊՀ ներքին իրավական այլ ակտերով նախատեսված պարտականություններ:

75. ԵՊՀ ԻՄ-ի ուսանողներն իրավունք ունեն՝

1) սեփական հայեցողությամբ, ըստ հակումների և պահանջմունքների՝ ընտրելու մասնագիտություն, ուսուցման ձև, զբաղվելու հետազոտություններով, ցանկացած կրթական աստիճանում ընդհատելու կամ շարունակելու բարձրագույն մասնագիտական կրթությունը,

2) ստանալու գիտության, տեխնիկայի և մշակույթի ժամանակակից մակարդակին համապատասխանող գիտելիքներ, հաճախելու ԵՊՀ ԻՄ-ում կարդացվող դասախոսություններին,

3) մասնակցելու իրենց կրթության բովանդակության ձևավորմանը (ուսումնական դասընթացների և մասնագիտացման ընտրությունը)՝ պահպանելով բարձրագույն մասնագիտական կրթության պետական կրթական չափորոշիչների պահանջները,

4) մասնակցելու ուսուցման որակն ապահովող գործառնություններին և գնահատելու պրոֆեսորադասախոսական կազմի գործունեության արդյունավետությունը,

5) բացի ընտրած մասնագիտության ուսումնական դասընթացներից՝ յուրացնելու ուսումնական ցանկացած այլ դասընթաց, որը դասավանդվում է ԵՊՀ ԻՄ-ում՝ ըստ սահմանված կարգի,

6) հիմնական մասնագիտական ուսուցումը համատեղելու երկրորդ մասնագիտական (զուգահեռ) ուսուցման հետ և ստանալու երկրորդ որակավորման աստիճան,

7) Հայաստանի Հանրապետության օրենսդրությամբ, սույն կանոնադրությամբ և իրավական այլ ակտերով սահմանված կարգով ընդգրկվելու և մասնակցելու ԵՊՀ ԻՄ-ի կառավարման մարմինների աշխատանքներին,

8) օգտվելու ԵՊՀ գրադարանից, լաբորատորիաներից, տեղեկատվական պահոցներից, ուսումնական, գիտական, բուժական, մարզական, առողջարանային, ուսումնաարտադրական և այլ ստորաբաժանումների ծառայություններից,

9) ըստ նախասիրությունների՝ մասնակցելու ԵՊՀ ԻՄ-ում անցկացվող ուսանողական գիտահետազոտական աշխատանքներին, սեմինարներին և գիտաժողովներին,

10) միավորվելու ուսանողական խորհուրդներում, ուսանողական գիտական ընկերություններում և ուսանողական այլ կազմակերպություններում,

11) բողոքարկելու ԵՊՀ ԻՄ-ի ղեկավարության հրամաններն ու կարգադրությունները՝ Հայաստանի Հանրապետության օրենսդրությամբ սահմանված կարգով,

12) օգտվելու ուսանողական նպաստի ձևով ուսման վարձավճարի մասնակի փոխհատուցման իրավունքից՝ Հայաստանի Հանրապետության օրենսդրությամբ սահմանված կարգով,

13) Հայաստանի Հանրապետության օրենսդրությամբ և ԵՊՀ ԻՄ-ի կողմից սահմանված կարգով ստանալու սահմանված չափի (ներառյալ՝ անվանական) կրթաթոշակ,

14) ծանոթանալու ԵՊՀ ԻՄ-ի կանոնադրությանը և իրավական այլ փաստաթղթերի,

15) լիազորված մարմնի սահմանած կարգով, անհրաժեշտության դեպքում, ստանալու ակադեմիական արձակուրդ՝ մինչև մեկ տարի ժամկետով, բացառությամբ Հայաստանի Հանրապետության օրենսդրությամբ սահմանված դեպքերի,

16) ուսուցման առկա ձևով ուսումնառության դեպքում տվյալ ուսումնական տարվա ընթացքում առնվազն երկու անգամ գտնվելու արձակուրդում՝ առնվազն յոթ շաբաթ ընդհանուր տևողությամբ,

17) հանրակացարանի առկայության և բնակելի տարածքի կարիք ունենալու դեպքերում՝ ԵՊՀ ԻՄ-ի սահմանած կարգով հանրակացարանում ստանալու համապատասխան տեղ,

18) սահմանված կարգով փոխադրվելու մեկ այլ բարձրագույն ուսումնական հաստատություն՝ ներառյալ օտարերկրյա պետությունների բարձրագույն ուսումնական հաստատությունները,

19) ուսման բարձր առաջադիմության, հասարակական ակտիվության և գիտահետազոտական աշխատանքներին մասնակցելու համար ստանալու բարոյական և (կամ) նյութական խրախուսանք՝ Հայաստանի Հանրապետության օրենսդրության և ԵՊՀ ԻՄ-ի սահմանած կարգով,

20) ԵՊՀ ԻՄ-ի ուսանողներն ունեն Հայաստանի Հանրապետության օրենսդրությամբ, սույն կանոնադրությամբ և այլ իրավական ակտերով սահմանված այլ իրավունքներ:

76. Կրթությունն ընդհատած նախկին ուսանողը Հայաստանի Հանրապետության օրենսդրությամբ սահմանված կարգով իրավունք ունի վերականգնվելու ԵՊՀ ԻՄ-ում:

77. Արգելվում է ուսանողներին արտաուսումնական աշխատանքում ներգրավելը՝ առանց նրանց և (կամ) նրանց օրինական ներկայացուցիչների համաձայնության:

78. ԵՊՀ ԻՄ-ի ուսանողները պարտավոր են՝

- 1) սահմանված ժամկետներում կատարել բոլոր ուսումնական առաջադրանքները,
- 2) տիրապետել բարձր որակավորում ունեցող ապագա մասնագետի համար անհրաժեշտ գիտելիքներին և հմտություններին,
- 3) ցուցաբերել ակադեմիական ազնվություն և խուսափել գրագողությունից,
- 4) անշեղորեն կատարել սույն կանոնադրության, ԵՊՀ ԻՄ-ի ներքին կարգապահական կանոնների և ներքին իրավական ակտերի պահանջները,
- 5) հաճախել ուսումնական ծրագրերով նախատեսված դասընթացներին,
- 6) հոգատար վերաբերվել ԵՊՀ ԻՄ-ի գույքին,
- 7) բարձր պահել ԵՊՀ ԻՄ-ի պատիվն ու հեղինակությունը, պահպանել հասարակական համակեցության և բարոյականության նորմերը,

8) վճարովի հիմունքներով կրթություն ստացող ուսանողները պարտավոր են ժամանակին վճարել ուսման վարձավճարը: Ուսման վարձավճարը ժամանակին չվճարելու դեպքում այդ ուսանողները կարող են հեռացվել ԵՊՀ ԻՄ-ից:

9) կատարել Հայաստանի Հանրապետության օրենսդրությամբ, ԵՊՀ ԻՄ-ի կանոնադրությամբ, ներքին կարգապահական կանոններով, ԵՊՀ ԻՄ-ի ներքին իրավական այլ ակտերով և ուսումնառության պայմանների վերաբերյալ կնքված պայմանագրով նախատեսված պարտականություններ:

79. Այն ուսանողները, ովքեր չեն կատարում սույն կանոնադրությամբ, ներքին իրավական այլ ակտերով սահմանված պարտականությունները, ցուցաբերում են անբավարար ակադեմիական առաջադիմություն, խախտում են ԵՊՀ ԻՄ-ի ներքին կարգապահական կանոնները, տնօրենի կամ նրա կողմից լիազորված անձի հրամանով կարող են ենթարկվել կարգապահական տույժերի՝ ընդհուպ մինչև ԵՊՀ ԻՄ-ից հեռացում՝ ներքին իրավական ակտերով սահմանված դեպքերում և կարգով:

80. ԵՊՀ ԻՄ-ի ուսանողական խորհուրդը ԵՊՀ ԻՄ-ում գործող ուսանողական կազմակերպություն է, որը սովորողների ինքնակառավարման, ընտրովի ներկայացուցչական մարմին է: Ուսանողական խորհրդի գործունեությունը կարգավորվում է Հայաստանի Հանրապետության օրենսդրությամբ, ԵՊՀ ԻՄ-ի կանոնադրությամբ և ուսանողական խորհրդի կանոնադրությամբ:

81. ԵՊՀ ԻՄ-ի ուսանողական գիտական ընկերությունը ԵՊՀ ԻՄ-ում գործող ուսանողական կազմակերպություն է, որի նպատակը սովորողների գիտական, ստեղծագործական և հոգևոր զարգացմանը նպաստելն է: Ուսանողական գիտական ընկերության գործունեությունը կարգավորվում է ԵՊՀ ուսանողական գիտական ընկերության կանոնադրությամբ և ԵՊՀ ԻՄ-ի գիտական խորհրդի որոշումներով:

XII. ԵՊՀ ԻՄ-Ի ԼՈՒԾԱՐՈՒՄԸ

82. ԵՊՀ ԻՄ-ի լուծարումը կատարվում է հիմնադրի որոշմամբ: ԵՊՀ ԻՄ-ի լուծարման դեպքում պարտատերերի պահանջների բավարարումից հետո մնացած գույքն ուղղվում է ԵՊՀ բյուջե:

Խանգարանի նկար հիմք է:

ՀՀ-ի հանրապետությունների խորհրդի քարտուշ - Վահագն Բ. Բաղդասարյան